



Esselamu 'alejkum poštovana braćo i sestre,

Hvala Allahu Gospodaru svjetova. Salevat i selam na poslanika Muhammeda a. s., na njegovu porodicu, na plemenite ashabe i sve iskrene vjernike i vjernice.

*"O vjernici! Propisuju vam se post, kao što je propisan onima prije vas, da biste bogobožni bili" (El Bekare, 183)*

*Dolazi nam mjesec Allahove milosti, oprost a i Njegove blagodati. Mjesec u kome je svim ljudima do Sudnjeg dana data uputa, svjetlo Allahovo, kako bi mogli živjeti i otići sa ovoga svijeta a da Allah bude s tim zadovoljan.*

*Živimo u vremenu koje smo sami sebi učinili izuzetno teškim. Već godinama se na zemlji čini zulum i ne nazire se kraj tome. Muslimani/muslimanke su dužni u svakom iskušenju biti pozitivni, pokazati trag svjetla, upute i blagodati koje im je Allah dž. š. iz milosti Svoje podario.*

*Svi trebamo biti bogobožni, a bogobožnost je, prema riječima Ali ibn Taliba, r.a.: " je strah od Allaha dž.š., (stalno na umu imati Allaha dž.š.) postupanje po naredbama Kur'ana, zadovoljstvo s malom nafakom i pripremanje za dan povratka Allahu dž.š."*

*A mjesec Ramazan je prilika da se osnaži naša bogobožnost. Da se preispita svaki segment našeg odnosa sa Allahom dž.š., sa Kur'anom, sa dobročindtvom, našim shvatanjem ovoga svijeta, vjere u Sudnji dan.*

*Postiti znači sustegnuti se od dunjalučkih slasti. Pokušati doći na stepen odakle se insan može sa svih strana pogledati, gdje može sa i iz sebe skinuti sve ono što ne priliči nositi pred Allahom dž. š.*

**Prvi dan Ramazana je 11 marta, ako Bog da. Prvi Teravih namaz će se klanjati u nedjelju, 10 marta. Svi namazi će se klanjati prema vaktiji Islamske zajednice u Geteborgu osim jacije i teravih namaza koji će se klanjati 2 sata poslije akšama. Bajram je 10 aprila a Bajram namaz će se klanjati u 07.00.**

### Aktivnosti

Prepoznatljivost ramazana se očituje na mnogo aktivnosti koje su njegova karakteristika. Teravih namaz, mukabela (svakodnevno učenje Kur'ana), iftari, darivanja i druženja u džematu su potvrda naše bogobožnosti i spremnosti na žrtvu kako bi Zajednica bila snažnija a mi sigurniji u njoj. Mukabelu (učenje Kur'ana) možete pratiti uživo na našoj Facebook stranici a sve ostale relevantne informacije možete, takođe, naći na FB, Islamska zajednica Bošnjaka Göteborg - Iz Gbg, Instagramu, (@izgbg) i <https://izgbg.se>, kao i u našoj džamiji.

### Zekat i sadekul Fitr

Zekat i sadekatul Fitr (Vitre) možete uplatiti preko Swish-a (**1233711108**) ili na džematski Bankgiro (**255-2990**). Prilikom uplate molimo vas da naznačite svrhu uplate, "Zekat" i ime osobe.

### Mekteb

Mektebska nastava će se održavati i uz Ramazan prema šemi mektebske nastave.

### Kontakt

Svi oni koji imaju potrebu da komuniciraju s nama mogu to uraditi putem telefona, maila ili messenger poruka.

Telefon: 0760362940 , Mailadresa: [goteborg@izb.se](mailto:goteborg@izb.se)

Swish: 123 37 111 08 Bankgiro: 255-2990

## RAMAZAN MUBAREK